

Vigeli Giusep Berther, Rueras, 1961-1997



Tujetsch, ils 6 d'uost 1997. La mort anetga da Vigeli Giusep regorda a siu bab. El ei naschius, ils 26 d'octobre 1961 a Camischolas sco fegl da Gebhard Berther e Barla Cresenzia naschida Giossi. Sco pop dad in onn e miez piarda el siu bab e sia sora Gepharda fuva buca aunc naschida. La mumma vieua sto persula surprender il buordi dalla educaziun. Vigeli Giusep frequenta la scola primara a Rueras e l'emprema secundara a Sedrun. Lu sedecida el per la scola claustral a Mustér e terminescha quella igl onn 1982 cun la matura.

Daventaus empau staunchels dalla scola lavura el sil sectur da segiradas. 1992 arva el ina agentura dalla Segirada Naziunal a Sedrun.

Il medem onn vegn el eligius sco gerau da vischnaunca e surpren la sparta scolaresser. Vigeli Giusep ei staus cuort temps commember dil Cussegl d'administraziun dallas Pendicularas Sedrun/Rueras SA. En sia carriera militara eis el s' avanzaus a litinent.

Per sia sora e mumma fuva el ina ferma petga. Ils sis d'uost 1997, tut nunspitgadamein, banduna el ils ses en consequenza d'ina attacca dil cor.